



Karus Amigus,

É pa sugundu bês ki-m sta ta konkórri pa Prizidenti di Kâmara Munisipal di Brockton, n'es anu di 2007, pamodi Brockton ka só sta prantu pa un novu lideransa, má sobretudu pamodi sa ta falta-l un novu arranki y un novu alentu, más siguransa na rua, y un sintidu renovadu di kumunidade.

N kria na un bairru di prujétus di alojamentu na zóna sul di Dallas, na undi ki violênsia y expetativas baxu éra normas. Má nha vida é un frutu ki krexi di un sintidu di speransa y krênsa na sonhu merkanu. Nha mai foi pruméru na se família ki bai studa na universidade. Se igreja é ki paga-l se kaminhada. El trabadja durante tudu se bida kómu prufsóra na skóla públuku. Nha pai apénas finda se studu na liséu. El pasa tudu se vida ta trabadja di noti, ta poi karga na kamion, séti dia pa simana. Se trabadju y se sindikatu ki abri-nu kaminhu pa klasi média.

Foi kantu ki-m fika ta odja nha pai ku nha mai ta trabadja duru pa konkretiza ses objetivus, ki-m prendi, kantu ki-m staba jóven inda, kes valoris ki ta manti nos famílias y nos kumunidades forti y unidu. N prendi ma ruspetu ta ganhadu má kortezia ta dadu. Tanbê N prendi ma krênsa na un sonhu é más ki simplismenti pensa y dizeja; el ta prisiza di vizon, planeamentu, trabadju duru, y txeu sakrifísiu. Ta ten disepson na perkursu; má nunca ka bu dizisti.

Kantu ki-m tinha dizóitu anu di idadi, speransa y vontadi di trabadja duru, traze-m pa stadu di Massachusetts, más prisizamenti pa Universidad di Boston, y pa MIT, un di kes universidade merkanu más famozu y

prestijiadu na mundu. N sta orgulhozu di nha involvimentu ku kumunidade y txeu agradesidu a kes organizason ki djuda-m kunstrui nhas kapasidade di lideransa. N ten txeu estima pa responsabilidadi y pa rekompensas di nhas pais. Rizidentis di Brockton, ta meresi un "Mayor", un Prizidenti di Kâmara ki ta skuta tudu algen, ki ta trabadja pa tudu algen, y ki realmenti ta akredita na moradoris di nos sidadi.

Às vês ten un kultura na guvéru ki ka ta spéra mutu di nos, ó pa nos. N ta odja txeu pusibilidadi na nos sidadi na undi ki guvéru ta prokura sirbi nos midjor interesi y undi nu ta ser stimulado a sigi kes midjoris ideas ki sta-nu na nos kurason. Y tudu keli é nha kunprumisu ku nhos, oferese-nhos un novu tipu di lideransa ki ta inspira un sintidu renovadu di speransa na futuro. N ta pidi nhos un favor: Nhos djunta ku mi! D'es bês k'é bês! D'es bês k'é bês! D'es bês k'é bês!

Jass Stewart

" Prósimo "Mayor", ó Prizidenti di Kâmara Munisipal di Brockton ten ki ser un vizionáriu; algên kapás di rizolvi ka só problêmas urjentis ki sidadi sa ta infrenta, má tanbê estratéjikamenti puzisôna Brockton a altura pa-l podi kumpiti en pé di igualdadi ku otus sidadi di país, na ária di negósio y di indústria. Tanbê el debi ser alguên ki ta dexa sidadi di Brockton aspira grandéza di dizenvolviméntu y tanbê kapás di inspira rezidentis a sta más involvidu na prusésu pulitiku. Kandidatu ki ten es vizon é Jass Stewart, ki ku tudu prazer nu ta asumi y nu ta apoia pa Prizidenti di Kâmara Munisipal di Brockton."

- The Enterprise, 6 de November de 2005

MIDJOR EXPERIÊNIA Y KUNPETENSIA DI KI KUALKER OTU KANDIDATU N'ES DISPUTA ELEITORAL

Jass Stewart ten más ki 15 anu di experiênsia na geston y lideransa organizasional y na relasionamentu ku menbrus di ekipas, líderes pulitikus, parserus di kumunidade, investidoris, y eleitoris.

Na tudu fazis di se karrera prufisional, Jass Stewart ten angariadu más di 18 milion di dóla na setor privadu y na fundus públuku, na undi el diriji grandis prujetus di dizenvolviméntu di se prudutus, k'el lansa tantu na Mérka komu na ultramar; el lidera ekipas funksional di entri seis a 100 indivídu, el negósia akordus sensível y di altu prioridadi ku líderes di grandis fortuna, y el kultiva eksilenti relason di longu prazu ku txeu organizasons na más di 70 sidadis spadjadu pa mundu interu.

Na kategoria di izekutivu sénior na Big Picture Company, un organizason di advokasia pa idukason ki é finansiadu pa Gates Foundation, Jass Stewart é atualmenti fasilitador nasional prinsipal, ki ta diriji planeamentu urbanu, reforma idukativa, y dizenvolviméntu di lideransa na 15 sidadis na país interu, en parseria ku prizidentis di Kâmara y diretoris di skólas.

Komu fundador y prizidenti di kompanhia di konsepsion, Invent Media, nun piríudu di 5 anu, Jass Stewart dizenvolvi un stratéjia sólidu di negósio y el kunstruiu un bazi di klientéla rubustu ku más di 20 korporason ki foi nacionalmenti rikonhesidu, inkluidu universidade MIT, Instituison di Smithsonian, Skóla di Teolojia Ilyff, PBS k'é un Servisu Públuku di Radiodifuzon, Universidad di Statal di Bridgewater, y Ospital di Brockton.

Na Blackside (produtoris di Akademia Award-nominated *Eyes on the Prize*), Jass Stewart, ku 26 anu di idadi, el protagoniza kreximéntu na Departamentu di Meius di Komunikason di kompanhia, na kategoria di izekutivu más jóven, na stória di 30 anus di izisténsia di Blackside.

Jass Stewart dizenpenha funson na investigason y piskiza, na kategoria di sénior na Departamentu di Planeamentu Urbanístiku di universidade MIT. É lisensiado na Komunikason y el ten grau akadémiku di Mestrado na Idukason tradu na Universidade di Boston.

Profundamenti apostadu na vida sívika na Brockton, Jass Stewart tanbê disponibiliza se ténpu, perísia, y ideias a txeu instituison di kes más notáveis na sidadi, inkluidu Klubi di Mininas y Rapazis di Brockton, Skólas di Kumunidade di Brockton, Vizinhos unidus di Brockton, Skóla Charter Knmpion di Brockton, Akademias di Tribunal y Pulísia, Taskforce pa atividadis dipôs di aula.

Fotografias: Xiku Évora y Marilyn Humphries.